

গণপ্রজাতন্ত্রী বাংলাদেশ সরকার  
তথ্য অধিদফতর  
বাংলাদেশ সচিবালয়  
ঢাকা।

সংবাদ পতিধারা

ঢাকা, বৃহস্পতিবার ২ জুলাই ২০১৫, ১৮ আষাঢ় ১৪২২

আজকের দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে :

- ১। অপশক্তির বিরুদ্ধে জনমত গড়ে তুলুন : সাংবাদিকদের প্রধানমন্ত্রী
- ২। নাগরিকসেবায় সরকারি কর্মকর্তাদের আন্তরিক হওয়ার তাগিদ প্রধানমন্ত্রীর : প্রধানমন্ত্রীর কার্যালয়ের সঙ্গে ৬ সংস্থার চুক্তি সই
- ৩। ৫ গ্যাসকূপ খননে চুক্তি হচ্ছে গ্যাজপ্রমের সঙ্গে : ক্রয় কমিটিতে ১১ প্রস্তাব অনুমোদন
- ৪। হাওরের-৭ জেলায় বোরো কৃষকদের ১০ কোটি ৭০ লাখ টাকা প্রগোদ্ধনা দেওয়া হবে : কৃষিমন্ত্রী
- ৫। স্বাস্থ্যে ক্রয় সংক্রান্ত সব কার্যক্রম ই-টেলারিংয়ে : স্বাস্থ্যমন্ত্রী
- ৬। বাড়ি ভাড়া নির্ধারণে কমিশন গঠনের নির্দেশ হাইকোর্টের
- ৭। বাংলাদেশ এখন নিম্ন মধ্যম আয়ের দেশ : বিশ্বব্যাংকের রিপোর্ট
- ৮। বরিশালে পুলিশের ঘূষ-তহবিল সংগ্রহের অভিযোগে উপকমিশনারসহ ১১ জন সাময়িক বরখাস্ত
- ৯। দেশের পুরাকীর্তিসমূহ সংরক্ষণে সরকারের বিশেষ কার্যক্রম শুরু
- ১০। আজ থেকে শুরু হচ্ছে নতুন টাকা বিনিময় : চলবে আগামী ১৬ জুলাই পর্যন্ত

চলমান পাতা/২

**১। অপশঙ্কির বিরুদ্ধে জনমত গড়ে তুলুন : সাংবাদিকদের প্রধানমন্ত্রী**

জঙ্গিবাদ, চোরাচালান, মাদক এবং আগুন-সন্ত্রাসের বিরুদ্ধে সোচার হওয়ার জন্য সাংবাদিক সমাজের প্রতি আহ্বান জানিয়েছেন প্রধানমন্ত্রী শেখ হাসিনা। তিনি বলেন, এসব অপশঙ্কির বিরুদ্ধে জনমত গড়ে তুলুন। সাংবাদিকদের নিরপেক্ষ থাকার আহ্বান জানিয়ে তিনি বলেন, আমরা আপনাদের কাছে নিরপেক্ষতা চাই। এ সময় সাংবাদিকদের আবাসন সমস্যা, সম্প্রচার নীতিমালা, টেলিভিশন চ্যানেলগুলোকে ওয়েজ বোর্ডের আওতায় আনাসহ জাতীয় প্রেসক্লাবকে অত্যাধুনিক ও আন্তর্জাতিক মানে পরিণত করতে সব ধরনের সহযোগিতার আশ্বাস দেন তিনি। জাতীয় প্রেসক্লাবের প্রাঙ্গণে গতকাল ১ জুলাই বুধবার বাংলাদেশ ফেডারেশন সাংবাদিক ইউনিয়ন (বিএফইউজে) ও ঢাকা সাংবাদিক ইউনিয়ন (ডিইউজে) আয়োজিত ইফতার মাহফিলে এসব কথা বলেন প্রধানমন্ত্রী। সূত্র-ভোরের কাগজ (পৃ.১,ক.১), সমকাল (পৃ.১,ক.৫), ইভিপেনডেন্ট (শেষ পৃ.,ক.২), ডেইলি অবজারভার (পৃ.১,ক.২)।

**২। নাগরিকসেবায় সরকারি কর্মকর্তাদের আন্তরিক হওয়ার তাগিদ প্রধানমন্ত্রীর : প্রধানমন্ত্রীর কার্যালয়ের সঙ্গে ৬ সংস্থার চুক্তি সই**

নাগরিকসেবা দেওয়ার ক্ষেত্রে সরকারি কর্মকর্তাদের আরো আন্তরিকভাবে কাজ করার তাগিদ দিয়েছেন প্রধানমন্ত্রী শেখ হাসিনা। গতকাল ১ জুলাই বুধবার প্রধানমন্ত্রীর কার্যালয় ও আওতাধীন ছয়টি সংস্থার মধ্যে বার্ষিক কর্মসম্পাদন চুক্তি স্বাক্ষর অনুষ্ঠানে তিনি এ তাগিদ দেন। সূত্র-ভোরের কাগজ (শেষ পৃ.,ক.১), সংবাদ (শেষ পৃ.,ক.৩), ডেইলি অবজারভার (শেষ পৃ.,ক.১)। নিউজ টুডে এ বিষয়ে লিড নিউজ ছেপেছে।

**৩। ৫ গ্যাসকৃপ খননে চুক্তি হচ্ছে গ্যাজপ্রমের সঙ্গে : ক্রয় কমিটিতে ১১ প্রস্তাব অনুমোদন**

জ্বালানি সরবরাহ বাড়ানোর লক্ষ্যে দেশের বিভিন্ন গ্যাসফিল্টে নতুন ৫টি কৃপ খননের উদ্যোগ নিয়েছে সরকার। রাশিয়া ফেডারেশনের রাষ্ট্রীয়ত্ব প্রতিষ্ঠান ‘গ্যাজপ্রম ইন্টারন্যাশনাল ইনভেস্টমেন্ট বিভিন্ন’ মাধ্যমে এ কৃপগুলো খনন করা হবে। এ জন্য ব্যয় হবে ৭৫০ কোটি ৫৮ লাখ টাকা (৯ কোটি ৬২ লাখ ২৯ হাজার ডলার)। সচিবালয়ে গতকাল ১ জুলাই বুধবার অনুষ্ঠিত সরকারি ক্রয়সংক্রান্ত মন্ত্রিসভা কমিটির বৈঠকে নতুন গ্যাসকৃপ খননে ‘গ্যাজপ্রম ইন্টারন্যাশনাল ইনভেস্টমেন্ট বিভিন্ন’র সঙ্গে চুক্তি স্বাক্ষরের একটি প্রস্তাব অনুমোদন দেওয়া হয়েছে। অর্থমন্ত্রী আবুল মাল আব্দুল মুহিত বৈঠকে সভাপতিত্ব করেন। সূত্র-যায়বায়দিন (শেষ পৃ.,ক.৬), সংবাদ (শেষ পৃ.,ক.১), ইভিপেনডেন্ট (শেষ পৃ.,ক.৭), ডেইলি অবজারভার (শেষ পৃ.,ক.৬)।

**৪। হাওরের-৭ জেলায় বোরো কৃষকদের ১০ কোটি ৭০ লাখ টাকা প্রযোদনা দেওয়া হবে : কৃষিমন্ত্রী**

কৃষিমন্ত্রী বেগম মতিয়া চৌধুরী বলেছেন, প্রাকৃতিক দুর্ঘাগের ঝুঁকি থেকে দেশের উত্তর-পূর্বাঞ্চলের হাওর এলাকার সাত জেলায় এক ফসলী (বোরো) জমির কৃষকদের রক্ষায় সরকার ১০ কোটি ৬০ লাখ টাকার প্রযোদনা কর্মসূচি গ্রহণ করেছে। গতকাল ১ জুলাই বুধবার সচিবালয়ে এক সংবাদ সম্মেলনে কৃষিমন্ত্রী এসব তথ্য জানান। সূত্র-সংবাদ (শেষ পৃ.,ক.৪), সমকাল (পৃ.২,ক.৪), ডেইলি অবজারভার (শেষ পৃ.,ক.২), ডেইলি সান (শেষ পৃ.,ক.১)।

**৫। স্বাস্থ্যে ক্রয় সংক্রান্ত সব কার্যক্রম ই-টেলারিংয়ে : স্বাস্থ্যমন্ত্রী**

স্বচ্ছতা ও জবাবদিহিতা নিশ্চিত এবং সব ধরনের অনিয়ম বক্ষে মহাপরিকল্পনা গ্রহণ করেছে স্বাস্থ্য মন্ত্রণালয়। মন্ত্রণালয়ের ক্রয় সংক্রান্ত সব কার্যক্রম ই-টেলারিংয়ের আওতায় আনা হয়েছে। এছাড়া সব ধরনের অনিয়ম বক্ষে এবং মন্ত্রণালয়ের সংশ্লিষ্ট সকলকে জবাবদিহিতার আওতায় আনতে কয়েকটি শক্তিশালী কমিটিও গঠন করা হয়েছে। গতকাল ১ জুলাই বুধবার মন্ত্রণালয়ের নিজ কার্যালয়ে প্রেস ব্রিফিংয়ে মোহাম্মদ নাসিম এসব কথা বলেন। সূত্র-ইতেফাক (শেষ পৃ.,ক.৫), সমকাল (পৃ.২,ক.১)।

**৬। বাড়ি ভাড়া নির্ধারণে কমিশন গঠনের নির্দেশ হাইকোর্টের**

বাড়ির মালিক ও ভাড়াচিয়াদের সঙ্গে কথা বলে তাদের সমস্যাগুলো চিহ্নিত করার পাশাপাশি এলাকাভেদে সর্বনিম্ন ও সর্বোচ্চ ভাড়া নির্ধারণের জন্য সরকারকে ৬ মাসের মধ্যে একটি ‘উচ্চক্ষমতা সম্পর্ক’ কমিশন গঠনের নির্দেশ দিয়েছেন হাইকোর্ট। পৰ্যাপ্ত বছর আগে দায়ের করা এক রিট আবেদনের রায়ে গতকাল ১ জুলাই বুধবার বিচারপতি মো. বজ্জুল রহমান ও বিচারপতি মো. রফিল কুন্দুসের বেঞ্চে ওই নির্দেশনা দেন। বাড়ি ভাড়া নির্যন্ত্রণ আইন কার্যকর করার দাবিতে ২০১০ সালে হিউম্যান রাইটস এন্ড পিস ফর বাংলাদেশ হাইকোর্টে একটি রিট পিটিশন দায়ের করে। সূত্র-ভোরের কাগজ (পৃ.১,ক.৫), ইতেফাক (পৃ.১,ক.২), ডেইলি স্টার (শেষ পৃ.,ক.৫)। নিউ এজ এ বিষয়ে লিড নিউজ ছেপেছে।

**৭। বাংলাদেশ এখন নিম্ন মধ্যম আয়ের দেশ : বিশ্বব্যাংকের রিপোর্ট**

বাংলাদেশ নিম্ন মধ্যম আয়ের দেশে উন্নীত হয়েছে। গতকাল ১ জুলাই বুধবার বিশ্বব্যাংকে প্রকাশিত দেশভিত্তিক জাতীয় আয়ের সর্বশেষ প্রতিবেদনে বাংলাদেশকে নিম্ন মধ্যম আয়ের দেশ হিসেবে স্বীকৃতি দিয়েছে। বিশ্বব্যাংকের হিসাবে ২০১৪ সালে বাংলাদেশের মাথাপিছু আয় দাঁড়িয়েছে এক হাজার ৮০ ডলার। যেসব দেশের মাথাপিছু আয় এক হাজার ৩৬ থেকে চার হাজার ৮৫ ডলার পর্যন্ত সেসব দেশ বিশ্বব্যাংকের হিসাবে নিম্ন মধ্যম আয়ের দেশ হিসেবে পরিগণিত হয়। বিশ্বব্যাংকের হিসাবে এর আগে বাংলাদেশ ছিল নিম্ন আয়ের দেশ। সূত্র-সমকাল

(পৃ.১,ক.৮), ইভিপেনডেন্ট (পৃ.১,ক.৮), ডেইলি স্টার (পৃ.১,ক.৭)। প্রথম আলো এ বিষয়ে লিড নিউজ ছেপেছে।

৮। বরিশালে পুলিশের ঘুষ-তহবিল সংগ্রহের অভিযোগে উপকমিশনারসহ ১১ জন সাময়িক বরখাস্ত ঘুষের টাকার তহবিল সংগ্রহের অভিযোগ প্রমাণিত হওয়ায় বরিশাল মহানগর পুলিশের এক উপকমিশনারসহ ১১ জন পুলিশ সদস্যকে সাময়িক বরখাস্ত করা হয়েছে। উপকমিশনারকে গতকাল ১ জুলাই বুধবার এবং অন্য পুলিশ সদস্যদের গত ৩০ জুন মঙ্গলবার সাময়িক বরখাস্ত করা হয়। একই অভিযোগে বরিশাল মহানগর পুলিশের কমিশনারকে প্রত্যাহারের জন্য স্বরাষ্ট্র মন্ত্রণালয়ে সুপারিশ পাঠানো হয়েছে। পদোন্তি পেতে ঘুষের জন্য নেওয়া ওই টাকা ফেরত দিতেও নির্দেশ দিয়েছে পুলিশ সদর দপ্তর। সূত্র-প্রথম আলো (পৃ.১,ক.১), যুগান্তর (পৃ.১,ক.২), ইভিপেনডেন্ট (পৃ.১,ক.১), ডেইলি অবজারভার (পৃ.১,ক.৮)।

৯। দেশের পুরাকীর্তিসমূহ সংরক্ষণে সরকারের বিশেষ কার্যক্রম শুরু

ইউনেস্কো ওয়ার্ল্ড হেরিটেজের তালিকায় বাংলাদেশে সংরক্ষিত পুরাকীর্তিসমূহ অন্তর্ভুক্তির লক্ষ্যে বিশেষ কার্যক্রম শুরু করেছে সরকার। এ উদ্যোগের ফলে একদিকে যেমন গুরুত্বপূর্ণ পুরাকীর্তিসমূহ যথাযথভাবে সংরক্ষিত হবে, অন্যদিকে ওয়ার্ল্ড হেরিটেজের তালিকায় কোনো পুরাকীর্তি অন্তর্ভুক্ত হলে তা দেশের জন্য গৌরব বয়ে আনবে। এ লক্ষ্যে প্রত্যতন্ত্র অধিদপ্তরের উদ্যোগে ও সংস্কৃতি মন্ত্রণালয়ের নির্দেশনায় সম্পত্তি একটি কার্যকর কমিটি গঠন করেছে সরকার। কমিটির সদস্যরা ইতোমধ্যে তাদের কার্যক্রম শুরু করেছেন। তারা দেশের সংরক্ষিত পুরাকীর্তিসমূহের প্রপার্টি জোন বা কোর জোন এবং বাফার জোন নির্ধারণ করবেন। সংস্কৃতি মন্ত্রণালয় সূত্রে এসব তথ্য জানা গেছে। সূত্র-যায়বায়দিন (পৃ.১৫, ক.১)।

১০। আজ থেকে শুরু হচ্ছে নতুন টাকা বিনিময় : চলবে আগামী ১৬ জুলাই পর্যন্ত

আসন্ন ঈদুল ফিতরকে সামনে রেখে অন্যান্য বছরের মতো এবারও বাংলাদেশ ব্যাংক ২২ হাজার কোটি টাকার নতুন নোট বাজারে ছাড়ছে। যা আজ ২ জুলাই বৃহস্পতিবার থেকে বিনিময় শুরু হচ্ছে। বাংলাদেশ ব্যাংকের মতিঝিলসহ সারা দেশের বাণিজ্যিক ব্যাংকের নির্দিষ্ট শাখায় নতুন নোট বিনিময় শুরু হবে। চলবে আগামী ১৬ জুলাই পর্যন্ত। সূত্র-ইন্ডেফাক (পৃ.১৮,ক.১)।

#### সম্পাদকীয়

- ক. প্রথম আলো, সংবাদ, যুগান্তর, ডেইলি স্টার, ডেইলি অবজারভার : বিভিন্ন ব্যাংকের খণ্ড খেলাপিরা সরকার দলীয় আশীর্বাদপুষ্ট লোক অর্থমন্ত্রীর এ সত্য ভাষণে সাধুবাদ জানিয়ে খণ্ড খেলাপিদের বিরুদ্ধে কঠোর ব্যবস্থা নেওয়ার দাবি জানিয়ে ব্যাংকগুলো ঠিকমতো চালাতে না পারলে সরকারি ও বিশেষায়িত ব্যাংক ব্যক্তি মালিকানায় ছাড়ার সুপারিশ;
- খ. ইন্ডেফাক : বাংলাদেশে অসংক্রান্ত ব্যাধির হার দিন দিন বাড়ায় উদ্বেগ প্রকাশ করে এসব রোগ প্রতিরোধে সকলকে সচেতন হওয়ার আহ্বান;
- গ. জনকর্ত্তা, ইনকিলাব : সাত শতাংশ প্রবৃদ্ধির উচ্চতর সোগানে পৌছানোর লক্ষ্যমাত্রা নির্ধারণ করে গৃহীত হওয়া বর্তমান অর্থবছরের বাজেট জনবান্ধব হয়েছে বলে মন্তব্য;
- ঘ. সমকাল : রমজান মাস ও ঈদ উৎসবকে সামনে রেখে জাল নোট চক্র যে সক্রিয় হয়ে ওঠে রাজধানীর বনশ্বী এলাকায় কোটি টাকার বেশি জাল নোট ও মেশিন সরঞ্জামসহ পাঁচজন আটক হওয়ায় তা প্রমাণিত হয়েছে উল্লেখ করে তা রোধ করতে সংশ্লিষ্ট সব পক্ষকে সচেতন হওয়ার ওপর গুরুত্বারোপ;
- ঙ. যুগান্তর, সমকাল, ইভিপেনডেন্ট : রাষ্ট্র ও সমাজে সম্মিলিতভাবে দুর্নীতির বিরুদ্ধে অগ্রসর হতে হলে যুব সমাজকে দুর্নীতি বিরোধী আইন সম্পর্কে সচেতন করতে হবে বলে মন্তব্য;
- চ. ডেইলি সান, ইভিপেনডেন্ট, নিউ নেশন : আসন্ন ঈদে ঘরে ফেরা মানুষের সড়ক, রেল ও লক্ষণ যাত্রা যাতে নিরাপদ ও নির্বিন্দ হয় সে ব্যাপারে নজর দেওয়ার সুপারিশ;
- ছ. নিউজ টুডে : দেশের টেকসই উন্নয়নের জন্য আসেনিক মুক্ত নিরাপদ পানির ব্যবস্থা করা প্রয়োজন বলে মন্তব্য;
- জ. নিউ এজ, ইনকিলাব : দিনাজপুরের বিরামপুরে কথিত চোরাকারবারীদের সাথে সংঘর্ষে বিজিবি'র গুলিতে দুই ব্যক্তি নিহত হওয়ার ঘটনা উল্লেখ করে চোরাকারবারী ধরতে গিয়ে সাধারণ মানুষের মৃত্যুর ঘটনা কোনোভাবেই কাম্য নয় বলে এ ব্যাপারে যথাযথ তদন্তের সুপারিশ জানিয়ে সম্পাদকীয় প্রকাশ করেছে।

#### উপ-সম্পাদকীয়

ইন্ডেফাক পত্রিকায় প্রকাশিত কলামে দেশের অর্থনীতিকে আরও গতিময় করতে হলে আমদানি বিকল্পায়ন শিল্প এবং রপ্তানিমূল্যী শিল্পের মধ্যে ভারসাম্য স্থাপন করতে হবে বলে উল্লেখ করা হয়েছে।

#### নিবন্ধ ও ফিচার

প্রথম আলো পত্রিকায় প্রকাশিত ‘ভোটার তালিকায় জেডার গ্যাপ বাড়ল কেন’ শিরোনামের নিবন্ধে বিডিউল আলম মজুমদার জরুরিভিত্তিতে আমাদের বর্তমান ভোটার তালিকার একটি নিরপেক্ষ অভিটের আয়োজন করা আবশ্যিক, যাতে সময় থাকতেই ভোটার তালিকা যথাযথভাবে সংশোধন করে এর বিশ্বাসযোগ্যতা নিশ্চিত করা যায়

বলে অভিমত প্রকাশ করেছেন।

#

ফারহানা/সাইদা/বিপু/২০১৫/৯.০০ ঘট্ট